



Молитвы перед принятием пищи

Перед завтраком:

Очи всех на Тя, Господи, уповают, и Ты даеши им пищу во благовремени, отверзаеши Ты щедрую руку Твою и исполняеши всякое животно благоволения.

Перед обедом:

Отче наш, Иже еси на небесех! Да святится имя Твое, да придет Царствие Твое, да будет воля Твоя, яко на небеси и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Перед ужином:

Ядят убозии и насытятся, и восхвалят Господа взыскающие Его, жива будут сердца их в век века.

Слава Отцу и Сыну и Святому Духу, и ныне и присно и во веки веков. Аминь.

Господи, помилуй. *(Трижды).*

Благослови.

Молитва на благословение пищи и питья мирянами

Господи Иисусе Христе, Боже наш, благослови нам пищу и питье молитвами Пречистой Твоей Матери и всех святых Твоих, яко благословен еси во веки. Аминь.

И перекрести пищу и питье, осеня весь стол.

Молитва после вкушения пищи

Благодарим Тя, Христе Боже наш, яко насытил еси нас земных Твоих благ; не лиш нас и Небеснаго Твоего Царствия, но яко посреде учеников Твоих пришел еси, Спасе, мир дай им, прииди к нам и спаси нас.



После ужина, преимущественно в монастырях, благодарят Бога
следующими молитвами:

Бысть чрево Твое́ Свята́я трапéза, иму́щая
Небéснаго Хлéба, Христа́ Бо́га на́шего, от Него́же всяк
ядый не умира́ет, я́коже рече́ Богороди́тельнице,
Пита́тель.

Честне́йшую Херувим и сла́внейшую без
сравне́ния Серафим, без ислéния Бо́га Сло́ва
ро́ждшую, су́щую Богоро́дицу Тя велича́ем.

Возвесели́ и ны (нас), Го́споди, в творéниях Твои́х, и
в дéлах руку́ Твоею́ возра́дуемся: зна́менася на нас свет
лица́ Твоего́, Го́споди, дал еси́ весéлие в се́рдце моём,
от плода́ пшени́цы, вина́ и елéя своего́ умно́жишася: в
ми́ре вку́пе усну́ и почи́ю, я́ко Ты, Го́споди, еди́наго на
упова́нии всели́л мя еси́.

Сла́ва Отцу́ и Сы́ну и Свято́му Ду́ху, и ны́не и
при́сно и во ве́ки веко́в. Ами́нь.
Го́споди, поми́луй. (Трижды).
Благослови́.

Священник: С на́ми Бог Своёю́ благода́тию и
человеколю́бием, всегда́, ны́не и при́сно, и во ве́ки
веко́в. Ами́нь.

Вместо возгласа священника, в его отсутствие, мирянин всегда
произносит:

Моли́твами святы́х оте́ц на́ших, Го́споди, Иису́се
Христé, Сы́не Бо́жий, поми́луй нас.

Предстоящие: Ами́нь.



Молитва от глада

Господи Боже наш, Боже Всемогущий, Всещедрый и Всемилостивый, в Ветхом Завете избранный народ Твой сорок лет в пустыне чудесно питавший и чрез пророка Твоего Илию во дни глады великаго мукы и масло у вдовы Сарептской умноживый, в Новом же Завете пятью хлебами пять тысяч, а также семью хлебами четыре тысячи насытивый и в последующие времена по вере и молитве рабов Твоих подобные чудеса творивый! Призри ныне милостивым Твоим оком на нас, грешных рабов Твоих, умиласердись над нами и избави нас от глады, нам грозящаго; сотвори по Всемогуществу Твоему: да не оскудеет потребное нам пропитание, да не погибнет безгодно живот наш.

Благослови, Господи, хлеб наш и вся ядомыя нами и умножи сия в домах наших и у всех милующих нас, питающих и благотворящих нам. Сотвори, дабы пища, аще в малом количестве нами вкушаемая, имела достаточную силу, да не ослабеет тело наше, и здоровье да сохранится, и дух да не придет в уныние. От Тебя бо помощь вси приемлем, на Тя уповаем и Тебе славу возсылаем, Отцу и Сыну и Святому Духу, ныне и присно и во веки веков.

Аминь.

Молитва пророку Божию Илию о защищении от голода*

Во плоти Ангел, пророков основание, второй предтече пришествия Христова, Илие славный, от Ангела пищу приемый и сарептскую вдовицу во время глады препитавай, сам и нам, почитающим тя, благодатный питатель буди. Аминь.

* Этой молитвой пользовался, (по-видимому, сам сочинил) еп. Афанасий Сахаров († 1962 г. во Владимире), который более 30 лет провел в ГУЛАГе, не испытал голода.